

Jonathas. Pareillement si ionathas
 .j. machabe Qui auoit des gens tout vng tas
 ou. xij.

Quant en bethsan fut arriue
 Neust creu triphon tout derriue
 Et eust pour pense sa maseur
 Qui comme son subiect propice
 Luy fit de ses biens habandons
 Dont puint ionathas de grans dons
 Neust laisse la grant quantite
 De ses gens et neust pas este
 Soubz couleur de quelque aliance
 Auec triphon a sa fiance
 Acompaigne petitement
 Soubz vng ombre d'appointement
 En la cite ptolomaide
 Du par traison sans aide
 fut ionathas auec ses gens
 Occis en durs regretz ingens
 Par le peuple de la cite

U Il nous est aussi recite
 Cesar qui estoit si fort craint
 Dng tel ains auoit empraint
 Que tousiours en estranges lieux
 Estoit cault et astucieux
 Et homme de tresgrant conseil
 Mais quant il estoit a sommeil
 A repouy et transquilite
 Le laissoit sa callidite
 Car sil eust leu la chartre ou lectre
 Quon vint deuant le senat mectre
 Par bon sens racis et perit
 Ne fust propre linterit
 Cruel qui de ce la suruint
 Car mourir apres luy conuint

Nichanor
 .j. macha.
 vij.

Si nichanor eust bien construit
 Son oeuvre neust este destruit
 Par iudas et gens disrael
 Dont le iugement fut cruel
 Car la teste luy fut tranchee
 Et sa faulce langue arrachee
 Que les oyseaulx depuis mengerent
 Puis la main dextre luy couperent

Dont auoit de dieu la maison
 Menasse pour cause et raison
 Que auoit voulu sans pitie
 Soubz ombre de quelque amitie
 En traison iudas occire
 A quoy pourueut dieu le dray sire
 Car luy et tous ses gens ensemble
 furent occis qui est exemple
 De tousiours la fin concepuoit
 Auant que le mal recepuoit
 Qui a du temps passe prou veu
 At au temps futur a pourueu
 Les dispositions de dieu
 Joyeusement prent en tout lieu
 Et luy vault le pourpensement
 Quil a fait en luy cautelement
 Maint bon repouy et bon serour
 Car nous voions de iour en iour
 Maintes gens plains d'aduersite
 Par faulste dauoir agite
 Leurs negoces & sans la fin
 Cogiter. cecy dr. affin
 Que les pauures soulz y pouruoient
 Et que tousiours a la fin voyent
 Auant que riens paracheuer
 Silz veullent malheur escheuer

Proverbi.
 .ij. z. xliij.

Damour Venerouse

Les folz liez de ceste corde
 Je tire en mes chasteaux et tours
 Car en mes rethz celui sencoide
 Qui veult suiur le train d'amours
 Jay deceu plusieurs par mes tours
 Et blecie iucques au mourir
 Sans trouuer qui les sceust guerir